

Nerisassanik nalunaaqtsersuisarneq pillugu Namminersorlutik Oqartussat nalunaarutaat (nalunaaqtsersuisarnermut nalunaarut)

Tuniniaanissamik nittarsaassisarneq aamma nalunaaqtsersuisarneq pillugu Inatsisartut inatsisaat nr. 39, 9. decembari 2015-imeersumi (nittarsaassisarnermut inatsit) § 16, imm. 1 aamma § 39, imm. 2 naapertorlugit aalajangersarneqarput:

Kapitali 1

Atuuffia nassuaatillu

§ 1. Nalunaarummi uani nerisassanik Kalaallit Nunaanni tuniniarneqartussatut aalajangiunneqartunik nalunaaqtsersuisarneq pineqarpoq.

Imm. 2. Nerisassat avammut nioqqutigineqartussatut aalajangiunneqartut nalunaarummi pineqanngillat.

Imm. 3. Nerisassanik nalunaaqtsiineq Europæiske Unionimi nerisassanik nalunaaqtsersuisarnermut piumasaqaatinik qaqgumulluunniit atuuttunik naammassinnitoq nalunaarut manna malillugu nalunaaqtsiinermut taartaasinnaavoq, taamaattoq § 11, imm. 2, nr. 1 aamma imm. 3-5, § 23, imm. 5, aamma § 41 takukkit.

§ 2. Nalunaarummi uani nalunaaqutserneqartussat makku pineqarput:

1) nerisassat nerisassianut sorlernut ilaandersut paassisutissiiffiginissaat (sorpiaanerannik nalunaaqtsiineq), aamma

2) nerisassat naammassillugit poortoriikkat atuisunut igaffissuarnulluunniit, nerisassiorfissuarnut, neriniartarfinnut, paaqqinnittarfinnut assigisaannulluunniit tuniniarneqartussatut aalajangiussat.

§ 3. Nerisassat nalunaarummi uani tassaapput tunisassiatut suliat assigiissaarlugit suliarineqarsimasut, sananeqarsimasut poortorneqarsimasulluunniit.

§ 4. Nerisassat naammassillugit poortoriikkat nalunaarummi uani tassaapput nerisassat tuniniarneqarnissaat sioqqullugu toqqaannanngitsumillu ataqatigiinngitsumik poortuitissanut aatsaat atuisunit igaffissuarnilluunniit, nerisassiorfissuarnit, nerianiartarfinnit, paaqqinnittarfinnit assigisaannilluunniit ammarneqartussanut poortorneqarsimasut.

§ 5. Nioqqutissat suunerinut taaguusiinermi taaguut inatsisini nerisassamut aalajangiunneqartoq taaguutitut paasineqassaaq. Inatsisini taagummik aalajangiisoqarsimanngippat taaguut nerisassamut

pisarnertut taaguutaasoq atorneqassaaq. Taaguutinik nalinginnaasunik ilisimaneqartunik soqanngippat taagummik nassuaataasumik nerisassap suuneranut tikkuussilluni tulluartuusinnaasumik atuisoqassaaq.

§ 6. Aku nalunaarummi uani imatut paasineqassaaq suugaluartorluunniit nerisassamik sananermi nerisassiornermiluunniit akoritinneqartoq, nerisassiamilu naammasseriikkami immaqalu allanngorluni nassaassaasoq. Nerisassami akorineqartoq akuutissat arlallit atorlugit sanaajusimappat akuutissat taakku nerisassami pineqartumiittut akuutissatut isigineqassapput.

§ 7. Inuussutissaqassusianut nalunaarsuiffimmut atatillugu nalunaarummi uani paasineqassapput poortutissami paasissutissat suugaluartut nerisassami makkuninnga imaqtut:

- 1) nukik,
- 2) orsoq,
- 3) kulhydrat,
- 4) protein,
- 5) kostfibre,
- 6) tarajoq, aamma
- 7) vitaminit mineralillu ilangussaq 2-mi nassuaatigineqartut, tassa ilangussaq naapertorlugu amerlasoorsuwartut nassaassaatillugit.

§ 8. Inuussutissaqassutsimut pilerisaarineq nalunaarummi matumani poortutissami, ilisarititsinermi imaluunniit pilerisaarinerdi nassuaatigineqartoq suugaluartoq aamma nerisassap inuussutissartamigut immikkut iluaqutaasinnaanera pillugu atuisut isumaqalersinniarlugit tulluarineqartoq pineqarpoq, nerisassap immikkut peqqinnassutsimigut nukimmik, imaluunniit inuussutissartamigut, vitaminit aamma atortussiartai ilangullugit.

§ 9. Nalunaarummi matumani makkununnga tunngatillugu paasisassat:

- 1) Protein: kisitseriaaseq una malillugu proteinimiittut naatsorsorneqarput: protein = Kjeldahl-nitrogen katillugit $\times 6,25$.
- 2) Kulhydrat: kulhydrat suugaluaq inuup inuussutissartornerani nerineqartoq allannortinnejartorlu, soorlu polyoler.
- 3) Sukkut assiginngitsut: monosaccharider aamma disaccharider nerisassani akorineqartut tamarmik. Polyoler ilangunneqanngillat.
- 4) Orsoq: lipider-it nerisassamiittut tamarmik katinneri, taakkununnga ilangullugit phospholipider.
- 5) Orsut arrujaatuut: Orsut tamarmik marloriaammik atassuteqanngitsut.
- 6) Orsut arrujaatsut ataasiakkaartut: Orsut tamarmik ataatsimik isuatigut marloriaammik atassutillit.
- 7) Orsut arrujaatsut: Orsut tamarmik marlunnik amerlanerusunilluunniit isuatigut, cismethylen-kipisimasut marloqiusamik atassutillit.
- 8) Tarajoq: tarajoq uuma kisitseriaatsip tarajoqassussaa naapertorlugu paasineqassaaq: tarajoq = sodium $\times 2,5$
- 9) Agguaqatigiisinnerisa nalinga: nalinga inuussutissatut inuussutissaqassusaanut naapertuunnerpaaq, issusialu eqqarsaatigalugu ukiup qanoq ilinerani allanguutaasinnaasut, atueriaatsit allallu sunniutaasinnaasut pissutigalugit nalinganut sunniuteqarsinnaasut.

§ 10. Nerisassap qanoq sivisutigisumik atasinnaanera pineqartillugu nalunaarummi matumani ulluliunneqartoq pineqarpoq aamma nerisassap eqqortumik toqqortarineqarnermigut immikkorluinnaq ittumik atasinnaanera ullulerneqartarluni.

Kapitali 2

Aalajangersakkat nalinginnaasut

§ 11. Nalunaarut manna naapertorlugu nalunaaqutsiineq:

- 1) atuaruminartuuussaaq
- 2) ersarissumik takuneqarsinnaassaaq, aamma
- 3) piiarneqarsinnaassanngilaq.

Imm. 2. Kapitalit 4-9 naapertorluginit nalunaaqutsiineq aamma:

- 1) kalaallisut, tuluttut imaluunniit danskisut oqaatsilluunniit allat atorlugit erseqqissarneqassaaq, allattariarsornikkullu danskisut allannermiit malunnanngitsumik assigiinngissuteqassalluni, aamma
- 2) imaaliallaannaq sumiiffimmi takuneqarsinnaasumi erseqqissarneqassaaq.

Imm. 3. Nerisassanik tuluttut nalunaaqutsikkanik tuniniaanissamut piumasaqaataavoq inimi pisiniarfusumi najoqquassamik suliffeqarfup suliarisimasaanik nassaassaqarnissaa. Najoqquassamipingaarnertut akuutigineqartunut aamma nerisassanut assigiinngitsunut tunineqartunut akorineqartut pillugit taaguutigineqartut tuluttut, kalaallisut danskisullu erseqqissumik nassuiarneqassapput. Akut sapigalinnut navianartut, takuuk § 23, imm. 2, najoqquassami tamatigut atuarneqarsinnaassapput, immikkullu ersarissarneqarsimassallutik.

Imm. 4. Najoqquassat imm. 3-mi taaneqartut nakkutilliisussatut oqartussaasunit siusinnerusukkut akuersissutigineqarsimassapput. Najoqquassat saniatigut akuersissuteqartoqarnissaani nerisassat sorliit tuluttut nalunaaqutsernikut tuniniarneqassanersut pillugit paassisutissanik nassiussisoqassaaq, nerisassallu taakku akuinut tuluttut allattorsimaffiannut uppernarsaasoqassalluni.

Imm. 5. Akuersissut tunniunneqannginnerani Oqaasilerisut najoqquassami kalaallisut taaguutigineqartut eqqortuunerinut oqaaseqaateqarnissamik periarfissinneqassapput.

§ 12. Nalunaaqutsiinermut paassisutissat poortutissamut ikkunneqarsimassapput, nerisassianullu poortoriikkanut tunngatillugu poortutissamut naammasseriikkamut imaluunniit allagartaliussamut ilangussamut ikkunneqarsimassallutik.

Imm. 2. Paassisutissat kapitali 3-mi taaneqartut nerisassanut naammassillugit poortorneqanngitsunut ikkunneqarsinnaassangippata niuernermi allagaatinut ilangunneqartunut ilineqassapput.

Imm. 3. Imatullu pisoqarsimatillugu nalunaaqutsersuinermut paassisutissat kapitalini 4-miit 9-mut taaneqartut niuernermi allagaatinut erseqqissaatigissallugit naammappoq:

- 1) nerisassiaq naammassillugu poortoriigaq niuertarfimmut pitinnagu nioqquqtigineqalerpat, tunisinerlu nerisassiorfissuarnut, neriniartarfinnut, paaqqinnittarfinnut assigisaannulluunniit pinngippat, imaluunniit
- 2) nerisassiaq naammassillugu poortoriigaq nerisassiorfissuarnut, neriniartarfinnut, paaqqinnittarfinnut assigisaannulluunniit iganeqarfissaanut, suliarineqarfissaanut, aggorneqarfissaanut imaluunniit pilanneqarfissaanut tunniunneqartussatut aalajangiunneqarsimappat.

Imm. 4. Nalunaaqutsiinermut paassisutissat imm. 3-mi taaneqartutut erseqqissarneqarsimassappata:

- 1) niuernermut allagaatinut nerisassat taaneqartut ilanngunneqassapput imaluunniit tuniuressinissaq sioqqullugu nassiunneqarsimassapput imaluunniit peqatigitillugu tassunga ilanngunneqassapput, imaluunniit
- 2) tunisassiorfiup aqqa, nioqqutissap taaguutaa, qanoq sivisutigisumik atasinnaaneranut ullulernera pisariaqarpallu inissinnissaanut najoqqutassat pillugit paassisutissat poortutissap qaavanut erseqqisaatigineqassapput, tassaniissappallu nerisassat pilerisaarutigineqarnerat.

Kapitali 3

Suunerinut nalunaaqutsiisarneq

§ 13. Nerisassat nerisassianut sorlernut ilaancerat pillugu paassisutissanik nalunaaqutserneqarsimassapput.

Imm. 2. Imm. 1 tunisassianut nunalerisuneersunut atuutinngilaq, tassa pinngorfianniit, aalisakkat nutaat, aalisakkanilli tunisassiat nutaat, aalisariummeersut kiisalu uumasut nutaat piniartuneersut:

- 1) toqqorsivimmittussanngorlugit, inisititerivimmittussanngorlugit imaluunniit poortuivimmittussanngorlugit kalaalimineerniarfimmittussanngorlugilluunniit tuniniarneqartut tunniunneqartulluunniit,
- 2) suliffeqarfinnut tunisassiorfinnut assartorneqartut imaluunniit
- 3) nerisassarineqartussanngorlugit imaluunniit suliareqqitassanngorlugit aaneqartut

Imm. 3. Imm. 1 aammattaaq atuutinngilaq

- 1) atugassanik pisiniarfinni nerisassat poortorneqanngitsut, kiisalu kalaalimineerniarfinni nerisassanik tuniniaanermi,
- 2) nerisassanut poortutissanut puunulluunniit centimeterit² 10-t ataallugit angissusilinnut poortukkanut,
- 3) nerisassanut ullormik asiuffissamik imaluunniit ullormik atuiffissamik kingullermik nalunaaqutsikkanut, matumanii ulluliunneqartoq ilisarnaasernagu allanneqarsimappat aamma ulloq qaammallu taamatut tulleriisillugit allanneqarsimappata, aamma
- 4) ataasiakkaarlugit poortorneqarsimasunut, matumanii ataatsimoorluni poortutissamut paassisutissat tunniunneqarpata.

Kapitali 4

Nerisassanut naammassillugit poortoriikkat aalajangersakkat

§ 14. Nerisassat naammassillugit poortoriikkat paassisutissanik makkuningga nalunaaqutserneqassapput:

- 1) suunerinut nalunaaqutsiineq, kapitali 3 takuuk.
- 2) tunisassiorfiup aqqa allallu kiisalu suminngaanneersunera, kapitali 5 takuuk,
- 3) nioqqutissap suunera akunullu allattorsimaffik, kapitali 6 takuuk,
- 4) poortutissaq ilanngunnagu imarisai, kapitali 7 takuuk,
- 5) uumassutissartai, kapitali 8 takuuk, aamma
- 6) qanoq sivisutigisumik atasinnaanerannut takussutissat kiisalu toqqorsinissamut atuinissamullu malitassat immikkut ittut, kapitali 9 takuuk.

Imm. 2. Nerisassat poortoriikkat qaavi 10 cm²-imnit mikinerusut nioqquissap suunera, poortuuta ilanngunnagu imarisai aamma atasinnaassusia allallugit paasissutissiissutigissagaanni naammappoq.

Kapitali 5

Tunisassior tup aqqa il.il. aamma suminngaanneerfia

§ 15. Nalunaaqutsiinermi tunisassior tup aqqa imaluunniit suliffeqarfip poortuiffiusup aqqa pillugit paasissutissat ilanngunneqassapput.

§ 16. Nalunaaqutsiineq nerisassap suminngaanneernera pillugu paasissutissanik imaqassaaq, matumani tamanna pillugu paasissutissanik tunniussaqannginnej atuismut paatsoortitsisinnaappat.

Kapitali 6

Nioqquissap suuneranik nassuaaneq akunullu allattorsimaffik

§ 17. Nerisassat nioqquissat suunerinik nassuaatitaqassapput, takuuk § 5.

Imm. 2. Tunisassiorfiup nalunaaqutsiineranik, nioqquissap suuneranut nalunaaqutsiineq, imaluunniit takorluuinerit malillugit tunisap aqqa taarserneqarsinnaanngilaq.

§ 18. Nioqquissap taaguutaa inuussutissap qanoq ittuuneranik imaluunniit immikkut suliarineqarsimaneinanik ilaqtinnejqassaaq (soorlu qajuusatut, qeriteqqillugu panertitatut, qerititatut, akuitsunngorlugu suliatur, pjuukkatut), immikkut paasissutissiisoqannginnera pisisumut paatsuungalersitsisinnaappat.

Imm. 2. Nerisassanut tuniniaanissaq sioqqullugu qerisimasunut, aatsillugillu tuniniarneqartunut tunngatillugu nerisassamut taaguut "aatsinneqarsimavoq" ilanngunneqassaaq. Tamatuminngali minitaqarneq pisisussamut paatsiveerutsitsissanngippat tamanna makkunani atuutissanngilaq:

- 1) Akut tunisassiami naammasseriikkamiitillugit.
- 2) Nerisassanut tunisassiornerup ingerlannerani qeritsinissaq teknikip tungaatigut pisariaqarsimappat.
- 3) Nerisassanut qeriunnaarnikunut tunngatillugu isumannaallisaaneq pitsaassuserlu ajorseriassanngippata.

Imm. 3. Nerisassamut ilaasoq akorluunniit nerisassami nalinginnaasumik atorneqartussatut pissusissamisoortumilluunniit nerisassaniittussatut naatsorsuutigineqartoq nerisassanut ilaasussamik akumilluunniit allamik taarserneqarsimappat nerisassamut ilaasoq akorluunniit taarsiisoqarnerani tamakkiisumik ilaannakuusumilluunniit atorneqarsimasoq nalunaaqutseruineremi ersarissumik nassuiarneqassaaq. Taamatut nassuaaneq ersarissumik allanneqarsimassaaq, nioqquissamullu nassuaatigineqartup eqqannguanut inissinneqarsimassalluni.

Imm. 4. Neqi tunisassiarineqartoq imermik akuneqarsimappat nioqquissamut nassuaatigineqartoq erngup akuitigineqartup annertussusianik ilaneqassaaq, matumani imeq akorineqartoq nioqquissap naammasseriikkap oqimaassusaata 5 %-iannik qaangiisimappat.

§ 19. Inuussutissaq akunik assigiinngitsunik katitigaasoq akut allattorsimaffiatigut akorineqartut tamaasa nerisassap sananeqarnerani ilaasut pillugit paasissutissanik nalunaaqutsigaassaaq, taamaattoq takuuk §

21.

Imm. 2. Akut allattorsimaffiannut makkuninnga piumasaqartoqarpoq:

- 1) paasissutissat oqaaseq "akorineqartut" ilanngullugu nassuiaffigineratigut aallarnerneqassapput,
- 2) akorineqartut ataasiakkaat oqiliartornerat malillugu tulleriaarlugit, sananeqarfisalu aallartiffiat naatsorsuullugu nassuiardeqassapput, aamma
- 3) akorineqartut § 17-immi aamma § 18, imm. 1-immi malittarisassat naapertorlugit immikkut taaguutaat atorlugit nassuiardeqassapput.

Imm. 3. Imeq ilanngussaq akorineqartullu imerpalasut nioqqutissami naammasseriikkami oqimaassusii malillugit nassuiardeqassapput. Erngup akorineqartussatut ilanngunneqartup annertussusia nioqqutissap naammasseriikkap ataatsimut oqimaassusia aallaavigalugu kiisalu akorineqartut allat atorneqartut ataatsimut qassiunerat ilanngaatigalugit aalajangerneqartarpooq. Nioqqutissap naammasseriikkap oqimaassusaanik imeq ilanngunneqartoq 5 procentimik qaangiisimanngippat erngup ilanngunneqartup sunik imaqlarnera ilannguttariaqanngilaq.

§ 20. § 19, imm. 2. nr. 2 akunut makkununnga tunngatillugu saneqqunneqarsinnaavoq:

- 1) Akut kimittoqquserlugit panertillugilluunniit atorneqartut, sananeqarnerannilu pilereqqinnejartut. Akut tamakku kimitorsiinerit panertitsinerillu sioqquillugit oqimaassusaat malillugit allattorsimaffimmi nassuiardeqarsinnaapput.
- 2) Akut nerisassani kimittorsakkaniittut panertitaniittilluunniit imermik akuneqartussat. Tamakku nioqqutissami pilereqqinnejartumi oqimaassutsimikkut nassaassaanerat malillugu nassuiardeqassapput, matumani akunut allattorsimaffik paasissutissanik "nioqqutissami pilereqqinnejartumi akut"-mik imaluunniit "nioqqutissami atuisunut piareeqqasumi akut"-mik ilallugu.
- 3) Paarnani, pupinni imaluunniit naatitani akuukkani akut, taakkunani paarnat, pupiit imaluunniit naatitat oqimaassutsimikkut akorineqartunut pingarnernut ilaasimatillugit. Tamakku allatut tulleriaarlugit erseqqissaaffigineqarsinnaapput, matumani akunut allattorsimaffik "amerlassutsimikkut allanngorarput"-mik paasissutissartalerlugu ilaneqarpat.
- 4) Akut akuutissaniittut naasunillu akutut akuukkaniittut, taakkunangna arlaat oqimaassutsimikkut pingarnertut akuunngitsoq. Tamakku allatut tulleriaarlugit erseqqissarneqarsinnaapput, matumani akunut allattorsimaffik paasissutissamik "allanngorartunik amerlassuseqarput"-mik ilaneqarpat.
- 5) Akut nioqqutissap naammasseriikkap 2 %-ianit annikinneruppata. Tamakku akut allat malillugit allatut tulleriaarlugit erseqqissarneqarsinnaapput.
- 6) Akut imminnut assigiittut imaluunniit imminnut paarlasseinnaasut aamma inuussutissap katitigaanera, suussusia nalingaluunniit allanngortinngikkaluarlugu nerisassamik sananissamut uutsinissamulluunniit atorneqarsinnaasut, tamakku nioqqutissap naammasseriikkap oqimaassusaanik 2 %-imik qaangiisimanngippat. Tamakku akunut allattorsimaffimmut erseqqissaatigineqarsinnaapput "imaqlarpoq... aamma/imaluunniit", matumani akut ilaanni akunit marluusunit ikinnerpaamik ataaseq ilaappat. Minitaqarnerli tamanna akunut sapigalinnut navianartunut atuutinngilaq.
- 7) Uuliat sukuluiaruakkat orsullu naasunit pisut. Tamakku akunut allattorsimaffimmut taaguitit "uuliat naasunit pisut" aamma "orsut naasunit pisut" atorlugit immikkoortinngeqarsinnaapput, kinguneratigullu allattuiffimmik naasut suminngaanneernerannik immikkut nassuaatitalimmik ilallugit, kinguneratigullu "amerlassutsimikkut allanngorart"-mik ilallugit. Taamaattoqassanngippat uuliat naasuneersut orsut ilanngullugit aammalu naatitat ataatsimut oqimaassusiat atorneqartoq tunngavigalugu § 19, imm. 2, nr. 2-

mut naapertuuttumik akut allattorsimaffiannut ilanngunneqassapput.

Imm. 2. § 19, imm. 2, nr. 3-mi aalajangersakkat sanequnneqarsinnaapput akunut ilanngussaq 1-imi immikkoortuni immikkoortuni 1-imi ilaasunut tunngatillugu.

§ 21. Akunut allattorsimaffik ukununnga tunngatillugu piumasaqaataangilaq:

- 1) Paarnanut nutaanut naatitanullu nutaanut qalipajagaanngitsunut, agornikunut allatulluunniit assingusumik suliaasunut.
- 2) Imermut taamaallaat kulsyremik akusamut, kulsyrimillu akusisoqarnera nioqqutissap nassuaataani takuneqarsinnaasumut.
- 3) Seernartumut pullassiilluni sanaamut, matumani aku ataasiinnaq atorneqarsimappat, akumillu allamik akoorisoqarsimanngippat.
- 4) Imeruersaatit imigassamik aalakoornartortalimmik 1,2 volumenprocent sinnerlugu akullit.
- 5) Nioqqutissat ataasiinnarmik akullit, nioqqutissamullu nassuaataanik akut nassuaataannut assingusumik pillit imaluunniit akup suussusaanik nioqqutissap nassuaataani paasineqarsinnaasumik.
- 6) Inuussutissat annikitsukkuutaanngorlugit pisiniarfimmi tassani sananeqartut, naammassillugit poortorneqartut tuniniagassatullu neqeroorutaasut, matumani niuertarfik aperineqarpat akut sorliit inuussutissami atorneqarsimanersut nalunaarutigeqquillugit.
- 7) Immussuaq, punneq, immuk immulluunniit immuk kinertoq arrorsagaq, immunnit assinngitsunik allanik aqoqanngippata, enzyminik tappiorannartunillu sananeqarnermigut atorneqartariaqartunik aqoqanngippata, imaluunniit tarajoq immussuarmik allamik nutajunngitsumik aatsitamillu immussuarmik sananissamut atorneqartariaqartoq.

Imm. 2. Inuussutissanut ilanngunneqartut tullinnguuttut akut allattorsimaffianni mininneqarsinnaapput:

- 1) Imeq nerisassiornermi taamaallaat akumik kimittorsakkamik panertitamilluunniit allanngortitsinissamut atorneqartoq.
- 2) Imeq akuugaq pisarnertut nerineqarneq ajortoq.
- 3) Nerisassanut akuutissat (stofft enzymillu) nerisassami tassanerpiaq akuutissani ataatsimi arlalinniluunniit nassaassaanerat pissutaalluni tunisassiornermi akutut atorneqartut imaluunniit taamaallaat nerisassami nassaassaasut, taamaattoq akuutissat tamakku nerisassami naammaseriikkami teknikip tungaatigut atuuffeqanngippata.
- 4) Akuutissat kivitsisut akussallu inuussutissanut akussaanngitsut, taamaattorli akuutissat kivitsisut assigalugit akutut siunertaminnullu atorneqartut naammattumillu annertussusilerlugit atorneqartut.
- 5) Akuutissat nerisassanut akussaanngitsut, taamaattorli teknikip tungaatigut akuutissatut iluaqtissatut atorneqartut assinganillu siunertaqartut nioqqutissami naammassisami suli nassaassaasut, immaqalu allanngorluni.

Imm. 3. Taamaattoq akut imm. 2, nr. 3-5-imi nassuiarneqartut sapigalinnut navianartuusimappata nassuiarneqassapput takuneqarsinnaanngorlugillu erseqqissarneqassallutik, § 23, imm. 2 takuuk.

§ 22. Aku katitigaq inatsisitigut ileqqutigulluunniit aalajangersagaasimappat akut allattorsimaffianni erseqqissaatigineqarsinnaavoq, nioqqutissiamilu ataatsimut oqimaassusaa malillugu akut allattorsimaffiannut inissinneqarluni, matumani taamatut nassuaanerup kinguninnguatigut akumut katitigaasumut naatsorsorlugu ilanngunneqarpat.

Imm. 2. Akunulli ilanngunneqartunut naatsorsuineq imm. 1-imi taaneqartoq aku katitigaasoq nioqqutissap

naammasseriikkap 2%-anik annikinnerusimappat imaluunniit aku katitigaasoq nerisassamiittoq akut suunerinik nassuaaffigisariaqanngippat ilangguttariaqanngilaq.

§ 23. Aku sapigalinnut navianartoq akut allattorsimaffianni takuneqarsinnaalluartumik akunit allanit immikkoortillugu takuneqarsinnaanngorlugu nassuarneqassaaq, assersuutigalugu allaatsimik aalajangersimasumik, ilutsimik imaluunniit tunuliaqtassamik qalipaasikkamik.

Imm. 2. Akut sapigalinnut navianartutut isigineqartut tassaapput:

- 1) Immuk immullu tunngavigalugu nioqqutissat, taakkununnga ilanggullugu laktose. Taamaattoq lactitol kiisalu valle aalakoornartuliornermi atorneqartartoq pinnagit, taakkununnga ilanggullugu ethanol nunalerinermi atorneqartartoq.
- 2) Iffugassat glutenimik akullit. Taakkunungali ilaanggillat glycosesirup qajuusaneersoq imaluunniit suaasiassaneersoq, dextrose aamma maltodextrinit qajuusaneersut, kiisalu karrit tunisassiat aalakoornartuliornissamut atugassiat, matumanii nunalerinermut ethanol ilanggullugu.
- 3) Aalisakkat aalisakkamillu tunngaveqarluni tunisassiat. Taakkunungali ilaanggillat issortitsissut aalisakkaneersoq vitamininut carotenoidinullut præparatinut imaritsitsissutit atorneqartussaq, kiisalu issortitsissut aalisakkaneersoq imaluunniit issortitsissut immiaaqqani viinninilu ersarissaatitut atorneqartartoq.
- 4) Peqquk peqqullu tunngavigalugu tunisassiat.
- 5) Qimerloqanngitsut qimerloqanngitsunillu tunngaveqarluni tunisassiat.
- 6) Manniit manniillu tunngavigalugit tunisassiat.
- 7) Qaqqortarissat qaqqortarissallu tunngavigalugit tunisassiat.
- 8) Qaqqortarissat, tassa mandelit (*Amygdalus communis L.*), hasselnødder (*Corylus avellana*), valnødder (*Juglans regia*), cashewnødder (*Anacardium occidentale*), pekannødder (*Carya illinoiesis (Wangenh.) K. Koch*), paranødder (*Bertholletia excelsa*), pistaciennødder (*Pistacia vera*), queenslandnødder (*Macadamia ternifolia*), taakkuninngalu tunngaveqarluni tunisassiat. Taamaattoq qaqqortarissat aalakoornartortalinnik sananissamut atorneqartartut ilaanggillat, taakkununnga ilaalluni ethanol nunalerinermi atorneqartartoq.
- 9) Soja, taannalu tunngavigalugu tunisassiat. Taakkunungali ilaanggillat uulia orsorlu sojameersut, tocopherolit (E 306) akusaanngitsut akulerutsitat, D-alpha-tocopherol akusaanngitsut, D-alpha-tocopherylacetat akusaanngitsoq, D-alpha-tocopherylsuccinat akusaanngitsoq sojamit pilersitaq, plantesterolit plantesterolesterit sojamit uuliamit pilersitat, plantestanoesterit sojamit uuliamit pilersitat.
- 10) Selleri, taannalu tunngavigalugu tunisassiat.
- 11) Sennep, taannalu tunngavigalugu tunisassiat.
- 12) Sesamfrø, taakkulu tunngavigalugit tunisassiat.
- 13) Lupin, taannalu tunngavigalugu tunisassiat.
- 14) Svooldioxid aamma sulfittit kimittuut kiilumut literimulluunniit 10 mg-init annertunerusut SO₂-tut tamarmiusutut tunisassiatut atoriaannartut neqerooutigineqartutut imaluunniit tunisassiotup ilitsersuineratigut katiteqqitatut naatsorsuutigineqassapput.

Imm. 3. Glycosesirup, dextrose imaluunniit maltodextrinit atorlugu akut tunisassiat, qajuusanit imaluunniit uuliamit orsumilluunniit sojameersumit akuiarluiinnakkamit sananeqarsimasut sapigaqartunut navianartutut isigineqanngillat, suliarineqarnera sapigaqartunut navianarnerulersitsisimannngippat.

Imm. 4. Inuussutissamut naammasseriikkamut poortoriikkamut akut allattorsimaffiata allassimanissa

piumasaqaataanngippat akumik tunisassiamilluunniit sapigalinnut navianartumik aqoqarpak, tamanna immikkut allanneqassaaq. Massumani » aqoqarpoq « malitsigalugit akut tunisassialluunniit sapigaqartunut navianartut taaguutaat allanneqassapput. Tamanna allanneqangitsoorsimasinnaavoq, inuussutissap tunisassiatut taaguutaa akumut pineqartumut toqqaannartumik innersuussippat.

Imm. 5. Oqaatsitigut apersuisoqarsimassappat nerisassatut tunisassiam poortoriikkami akumik sapigalinnut navianartumik atuisoqarsimanersoq, sapigalinnullu navianartoq matumani sorleq pineqarnersoq pillugit ilitsersuisoqassaaq. Ilitsersuussisoqartassaaq oqaatsit ilitsersuunneqartussap paasisinnaasai atorlugit.

§ 24. Nerisassap nalunaaqutsernerani akunik nerisassap immikkut ittuuneranut pingaarutilinnik ataatsimik arlalinnilluunniit annertuumik annikitsumilluunniit atuisoqarnera erseqqissarneqarpat tamanna procentinngorlugu nassuiarneqassaaq. Taamatut nassuaaneq nerisassap nioqqutissatut nassuiarnerata qanittuani imaluunniit akumut pineqartumut atatillugu akunut allattorsimaffimmut nassuiarneqassaaq.

Imm. 2. Imm. 1 ukununnga tunngatillugu atuutissangilaq:

- 1) nalunaaqutsiinernut § 5 naapertorlugu nerisassap suuneranut aalajangiisussamut, aamma
- 2) akunut mamarsaatissatut akorineqartunut, taamaallaat annikitsuinnarmik atuiffiusunut.

§ 25. Imeruersaatit imigassamik aalakoornartortalimmik 1,2 volumenprocent qaangerlugu imaqtut, qanoq imigassamik aalakoornartortalimmik imaqtiginersut pillugit paassisutissanik nalunaaqutsigaassapput.

Imm. 2. Imigassap aalakoornartortallip imarisaanut kisitsisit annerpaamik 1 decimalilerlugit nassuiarneqassapput. Tamanna ilisarnaammik uuminnga "% vol" malitseqassaaq. Oqaaseq "imigassaq aalakoornartortalik" pisariaqarpat naalisarneqarsinnaavoq.

Kapitali 7

Poortuitissaq ilanngunnagu nerisassap oqimaassusia

§ 26. Nerisassat poortuitissaq ilanngunnagu nioqqutissap oqimaassusaa pillugu paassisutissanik nalunaaqutserneqarsimassapput. Tamanna tunisassianut imerpalasunut poortuitissarlu ilanngunnagu uuttuutit metriskiusut atorlugit annertussusinngorlugu allanneqassaaq.

Imm. 2. Inuussutissaq qaleriaarluni imerpalasuunngippat, inuussutissap imerpalasortaqanngitsup oqimaassusaa allassimassaartaaq. Tamannali taamaallaat atuutissaaq, tunisassiap pingarnertut imarisaanut sanilliullugu qalipa immikkuullarissuuppat taamaammallu pisiamut allannguisuunani.

Imm. 3. Maani aalajangersakkami qalipa ima paasineqassaaq imeq, seernartoq, tarajoq imerpalasoq, sukkut allalluunniit kiisalu naatitanut atatillugu naatitanit safti.

Imm. 4. Taaguummi qalipa-mi akut siuliani taaneqartut qerisut qeritsivimmiitallu kiisalu taakku akulerunnerat ilaapput.

Imm. 5. Inuussutissaq qillertunngorlugu qallerneqarsimappat inuussutissap puua qalliissutaasorlu ilanngunnagit oqimaassusia allanneqassaaq.

§ 27. Nioqqutissaq poortoriigaq poortukkanik marlunnik arlalinnilluunnit nioqqutissamik imaqqortooqatigiippata nioqqutissap imaata annertussusaata nalunaarsorneqarnerani poortukkat ataasiakkaat imaat poortukkallu amerlassusaat ilanngullugit allanneqassapput. Taakkuli allassimanissaat pisariaqanngilaq, ataasiakkaarlugit poortukkat avataanit ersarippata kisinneqartariaannallutilu kiisalu poortukkami ataasiakkaat imarisasa qassiunerat ersarippat.

Imm. 2. Nioqqutissaq poortoriigaq poortukkanik immikkut tuniniagassatut isigineqanngitsunik marlunnik amerlanernilluunniit imaqarpal imaata poortutissaa ilanngunnagu oqimaassusaa nalunaarutigineqassaaq imaasa tamarmiusut katillugit poortukkallu qassiunerisa allannerisigut.

§ 28. Poortutissaq ilanngunnagu nerisassap oqimaassusaa allanneqanngitsoorsinnaavoq:

- 1) Inuussutissat annertussusaat oqimaassusaalluunniit ataasiakkaarlugit tunineqarnermigut ilanngarujussuartassappata imaluunniit pisisup pisilernerani uuttortarneqarpata.
- 2) Inuussutissap poortutissaq ilanngunnagu oqimaassusaa 5 g imaluunniit 5 ml minneruppat. Mannali aalajangersagaq akuutissanut naasunillu akuutissanut atuutinngilaq.
- 3) Sukkunit tunisassiat, poortutissaq ilanngunnagu oqimaassusaa 20 g-imit minneruppat.

Kapitali 8

Inuussutissaqassuseq

§ 29. Inuussutissat nalunaaqutserneratigut, saqqummiunneqarneratigut tuniniarneratigulluunniit inuussutissaqassusaanik pilerisaarutigineqartut, puuini inuussutissaqassusianut nalunaarsuiffimmik allassimasoqassapput.

§ 30. Inuussutissaqassutsimut nalunaarsuiffik tamarmi ataatsimut takuneqarsinnaasunngorlugu paassisutissallu qaleriaartillugit allassimasapput. Tamanna periarfissaanngippat paassisutissat sanimut sanileriiartillugit allanneqassapput.

§ 31. Inuussutissaqassutsimut nalunaarsuiffimmi kisitsisit ilivitsuussapput suussutsillu makku allassimassallutik:

- 1) Nukik kJ-inngorlugu aamma kcal.-nngorlugu.
- 2) Vitaminit mineralillu ilanngussaq 2-mi allassimasut suussusaat malillugit.
- 3) Akut inuussutissallit allat graminngorlugin, taamaakkaluartoq § 36, imm. 2 takuuk.

§ 32. Inuussutissanut nalunaarsuiffimmi paassisutissat akulluunniit pilerisaarutigineqartut nalunaarummi maani allassimasut periutsit makku atorlugit agguaqatigiisinnerissavaat:

- 1) Tunisassiorup misissueqqissaarnera.
- 2) Akut atorneqartut pillugit agguaqatigiisinneri ilisimaneqartut piviusulluunniit tunngavigalugit naatsorsuineq.
- 3) Paassisutissat akuerisat nalinginnaasunngorlugillu inissititikkat tunngavigalugit naatsorsuineq.

§ 33. Makkununnga tunngatillugu inuussutissaqassutsimut pilerisaarioqarsinnaavoq:

- 1) nukik imarineqartoq,

- 2) akut inuussutissallit § 7, nr. 2-6-imí allassimasut akullu taakku akut inuussutissallit suussutsit akornanniittut imaluunniit taakku sananeqaataasa ilaat, imaluunniit
- 3) taakku vitaminit mineralillu ilanngussaq 2-mi allassimasut.

Imm. 2. Imm 1-imí taaneqartut saniisigut allat pillugit inuussutissaqassutsimut pilerisaarineq aatsaat pisinnaavoq, nerisassap inuussutissartaa akualuunniit annikillineqarsimaneranik, peerneqarsimaneranik ilanngunneqarsimaneranilluunniit pissuteqartumik ilisimatusarnikkut nalinginnaasumik akuerisaasumik timimut inuussutissaqassuseqarnikkullu iluaqtissartaqarpat. Taassuma saniatigut taanna nerisassap inuussutissaqassusaatigut sunniutissaanut atatillugu angissusaa naammalluni nerineqarsinnaanissaa piumasaqaataavoq.

Imm. 3. Inuussutissaqassutsimut pilerisaarutit ima oqaasertalersorneqassapput, inuussutissap piginnaasaanut sunniutissaanullu pineqartunut tulluartuullutik, eqqortumik tikkuussisuullutik paatsoornartuunatillu.

Imm. 4. Inuussutissaqassutsimut pilerisaarutip eqqortuussusaa nakkutilliisutut oqartussaasumit peqquneqarpat upternarsarnejarsinnaassaaq.

§ 34. Inuussutissaqassutsimut nalunaarsuiffimmi inuussutissap tamarmiusup imarisai, tassa nukik, orsoq, orsut arrujaatsut, kulhydrat, sukkut suussusaat, protein tarajorlu pillugit paassisutissat pinngitsooratik ilisimatitsissutigineqassapput.

Imm. 2. Imm. 1-imí paassisutissat allassimasut akunik inuussutissalinnik ataatsimik amerlanernilluunniit makkununnga tunngasunik inuussutissaqassutsimut nalunaarsuiffimmut ilanngullugit ilisimatitsissutigineqarsinnaapput:

- 1) Orsut arrujaatsut ataasiakkaartut.
- 2) Orsut arrujaatsut qassiikkartut.
- 3) Polyoler.
- 4) Kinersaat.
- 5) Kostfiberit.
- 6) Vitaminer mineralillu ilanngussaq 2-mi allassimasut, ilanngussami taaneqartoq naapertorlugu annertugaangata.

§ 35. § 34, imm. 1-imí paassisutissat taaneqartut tulleriaarneri malillugit allanneqassapput.

Imm. 2. Polyoler kinersaatilluunniit nalunaarsorneqarsimatillugit, nalunaarsuiffimmi kulhydratip kingorna imatut tulleriaarlugit nalunaarsorneqassapput. Nalunaarsuiffik imatut saqqummiunneqassaaq:

- 1) kulhydrat,
- 2) tassannga sukkup suussusaat,
- 3) tassannga polyoler,
- 4) tassannga querattsaat.

Imm. 3. Orsut arrujaatsut ataasiakkaartut qassiikkutaartullu nalunaarsuiffimmiippata, nalunaarsuiffimmi orsup allassimanera kingorna tulleriaarneqassapput. Nalunaarsuiffik imatut saqqummiunneqassaaq:

- 1) orsoq,
- 2) tassannga orsut arrujaatsut,
- 3) tassannga orsut arrujaatsut ataasiakkaartut,

4) tassannga orsut arrujaatsut qassiikkutaartut.

Imm. 4. Imm. 2-imi 3-milu nalunaarutigisat tulleriaarneri aalajangerneqarput akulli tamaasa nalunaarutigineqarnissaat piumasarineqarnani.

Imm. 5. Kostfiberit nalunaarsorsimatillugit nalunaarsuiffimmi proteinip kingorna allanneqassapput.

§ 36. Aku inuussutissaqassusaanik pilerisaarutigineqartoq § 34, imm. 2-mi allassimasut suussutsit akornanniippat taakkuluunniit sananeqaataasa ilarippassuk akut pilerisaarutigineqartut inuussutissaqassusaat nalunaarsorneqarnissaat.

Imm. 2. Akut allat inuussutissaqassusaanik pilersisaaruteqarnermut atatillugu, tak. § 33, imm. 2, taakku annertussusaat imaluunniit akut pilerisaarutigineqartut inuussutissaqassutsimut nalunaarsuiffiup eqqaanut ataatsikkut takuneqarsinnaasunngorlugit allanneqassapput, tassa aku pillugu kiisalu uuttuut tulluartoq atorlugu annertussusaa.

§ 37. § 34 aamma § 36 naapertorlugin paassisutissat inuussutissaqassutsimut nalunaarsuiffimmi nioqqutissap nioqqutigineqarnerani 100 g-mut imal. 100 ml-imut imarititatut allanneqassapput.

Imm. 2. Pissusissamisoorpat, nerisassap piareersarneqarnissaat nassuiarneqarnera naammappat kiisalu nioqqut pillugu paassisutissat nerisassap nerineqartussaaneranut nassuiarneqarsimappata paassisutissat nioqqutip piareersareersimaneratut saqqummiunneqarsinnaapput.

Imm. 3. Paarissutissat imm. 1-imi 2-milu taaneqartut makkuninnga ilaneqarsinnaapput:

- 1) puuguttamut ataatsimut, aatsaalli puuguttanut qassinut naammannersut allassimappat,
- 2) annertussutsimut poortuitissami allassimasumut, imaluunniit
- 3) inuup inersimasup nerisartagaasa agguaqatigiisinneranut procentitut innersuussuteqarnikkut, 100 g-imut imal. 100 ml-imut imal. puuguttamut ataatsimut imal. nerisassamut ataatsimut.

Imm. 4. Inuussutissaqassutsimut nalunaarsuiffimmi ilanngussaq 2-mi allassimasut pillugit vitaminit mineralillu allassimappata, taakkununnga 100 g-imut imal. 100 ml-imut nerisat innersuutigineqartut procentiinik ilanngussisoqarnissaat piumasaqaataavoq.

§ 38. Nukik nalunaarsorsimasoq ilanngussaq 3-mi naatsorsueriaaseq allassimasoq naapertorlugu naatsorsorneqassaaq.

Kapitali 9

Ulloq qaangiuffissaq kiisalu uninngasuuteqarnissaq atuinissarlu pillugit najoqqutit

§ 39. Inuussutissap ulloq qaangiuffissaai ima allanneqassaaq:

- 1) "... sioqqullugu pitsaanerpaavoq",
- 2) "... naanerani pitsaanerpaavoq",
- 3) "...tikillugu pitsaanerpaavoq", imaluunniit
- 4) "... tikillugu ilanngullugulu pitsaanerpaavoq".

Imm. 2. Inuussutissat tappiorannartunut atatillugu asiujasut taamaammallu sivikitsup ingerlanerani inuup peqqissusaanut akornutaasunngorsinnaasut "ulloq atuiffissaq kingulleq ..."-mik allassimasoqassapput.

§ 40. § 39-mi paasissutissat ulluliussap saqqumisinneratigut imaluunniit ullup allassimancerata sumiinneranik innersuussinikkut saqqummiunneqassapput.

Imm. 2. Ulluliussaq paasiuminaallisarneqanngitsoq tulleriaat ulloq, qaammat ukiorlu naapertorlugit allanneqassaaq. Taamaakkaluartoq inuussutissanut:

- 1) qaammatit pingasut inorlugit atasinnaassuteqartunut ulloq qaammallu allannissaat naammappoq,
- 2) qaammatit pingasut sinnerlugit 18-illi inorlugit atasinnaassuteqartunut, qaammat ukiorlu allannissaat naammappoq, aamma
- 3) qaammatit 18-it sinnerlugit atasinnaassuteqartunut ukioq qaangiuffiusussaq allannissaat naammappoq.

§ 41. Inuussutissat naammassereerlugit poortukkat ullumik tunisiffissamik kingullermik imaluunniit qaangiuffissaanik nalunaaqutserneqarsimasut qaangiuffissaanik nutaamik nalunaaqutseqqinnejqarsinnaanngillat, poortoqqinnejqarsinnaanngillat, imaluunniit qaangiunnerisa kingorna puuisa iluaniitillugit avataaniitillugilluunniit tuniniarneqarsinnaanngillat.

Imm. 2. Tunisassiortoq qaangiuffissamik ulluliisimappat imm. 1 inuussutissanut § 43-mi allassimasunut atuupportaaq.

Imm. 3. Sikuunerani illoqarfinni nunaqarfinnilu pilersuisinnaanissaq killeqartillugu, inuussutissat § 39, imm. 1 -imi allassimasut naapertorlugit ullumik qaangiuffissamik qaangiisimasut tuniniarneqassapput. Sikuunera ima paasineqassaaq, piffissaq ukiumi umiarsuup tulattup kingulliup kingorna qaammatip ataatsip kingorna ukiullu tulliani umiarsuup tulattup siulliup kingorna ulla arfineq-pingasut tikillugit.

Imm. 4. Suliffeqarfik imm. 3 naapertorlugu tuniniaassappat inuussutissap qaangiussimasup peqqissutsimut akornutaangitsumik qaqugukkut nerineqarsinnaaneranut kiisalu inuussutissap taamaallaat piffissami tessani tuniniarneqarneranut ersarissunik upternarsaammik peqarnissaa piumasaqaataavoq. Tunisassiortumit tamanna pillugu upternarsaat ukiumit ataatsimit utoqqaanerunngitsoq upternarsaatitut ersarissutut isigineqassaaq. Suliffeqarfik nakkutilliisutut oqartussamit tunngavilersoqqaarnagu upternarsaammik qinnuivigineqartillugu upternarsaatip assilineranik nassiussissaaq.

Imm. 5. Imm. 3 inuussutissanut qaammatinit 24-init sivisunerusumik qaangiuffissaqartunut imaluunniit inuussutissap sikuulernera sioqquillugu qaangiussimappat atuutinngilaq.

Imm. 6. Imm. 3 naapertorlugu tuniniaasoqassatillugu pisiniarfimm allagartalersuinikkut imaluunniit allatigut ersarissumik ilisimatitsinikkut inuussutissaq qaangiussimanerarneqassaaq.

§ 42. Qaangiuffissat pillugit paasissutissani qaangiuffissaata eqquutsinniarnissaa qulakkeerneqartariaqpat uninngasuutiginissaanut najoqquq ilanngunneqassaaq.

Imm. 2. Inuussutissat § 39, imm. 2-mi allassimasut pinngitsooratik uninngasuutigineqarnissaannut najoqquqissaqartassapput.

§ 43. Ullumik qaangiuffissamik allagartaliineq inuussutissanut ukununnga pinngitsoortinneqarsinnaavoq:

- 1) Paarnat naatitat, naatsiiallu nutaat qalipaajarneqanngitsut, aggorneqanngitsut allatulluunniit assingusumik suliarineqarsimannngitsut. Taamatut pinngitsoortsineq naatsiassanut naalersunut allanullu assingusunut, soorlu naatitat puullit naarlaavinut, atuutinngilaq.
- 2) Iffiukkat mamartuliallu, qanoq issusertik pissutigalugu suliarineqarnerminniit nal. akunneri 24-t qaangiutsinnagitt nerineqartussatut naatsorsuussat.

- 3) Seernartoq.
- 4) Tarajoq.
- 5) Sukkut manngertut.
- 6) Mamakujuttut mamarsaatillit aamma/imarluunniit qalipaasikkanik sukkullit.
- 7) Tyggegummit tunisassiallu allat tamuasassiat assingusut.
- 8) Viinnit, Viinni akusaq, mousserende viinnit, viinnit mamarsaatillit allallu tunisassiat assingusut, viinnissanit (drue) sanaajunatik allanik paarnanit sanaat.
- 9) Imigassat 10 procentinit annerusumilluunniit aalakoornartullit.

§ 44. Nalunaaqtsiinermi atuinissamut ilitsersuut ilangunneqassaaq, matuma ilangutinnginneratigut inuussutissaq kukkusumik nerineqarsinnaappat.

Kapitali 10

Nakkutilliineq, immikkut ittumik akuersineq pineqaatissiinerlu pillugit aalajangersakkat

§ 45. Nalunaarummi matumani maleruagassat nalunaarullu manna naapertorlugu aalajangiussat maleruarneqarnissaasa nakkutiginissaat Naalakkersuisutsuliassaraat.

Imm. 2. Nakkutilliisutut oqartussat pisinarfnnut nalinginnaasunut aporfilersorneqaratik isersinnaatitaasussaapput.

§ 46. Naalakkersuisut pissutit immikkut ittut pissutigalugit tunngavissaqarunillu nalunaarut manna saneqqunneqarsinnaasoq nalunaarutigisinnaavaat.

§ 47. Nalunaarummi matumani § 11, imm. 1-4, § 12, § 13, imm. 1, §§ 14-19, § 22, imm. 1, § 23, imm. 1 aamma 4 aamma 5, § 24, imm. 1, § 25, § 26, imm. 1 aamma 2, § 27, §§ 29-33, § 34, imm. 1, §§ 35 aamma 36, § 37, imm. 1 aamma 4, §§ 38-42 aamma 44, aamma § 45, imm. 2-mi aalajangersakkat imaluunniit nalunaarut manna naapertorlugu aalajangiussat unioqqtinnejartillugit akileeqqussummik tunniussisoqarsinnaavoq, inatsit alla malillugu annertunerusumik pineqaatissiisoqarsinnaanera tulluarnerusorineqanngippat.

Imm. 2. Ingerlatseqatigiiffit il.il (inatsisitigut pisinnaatitaasut pisussaatitaasullu) pinerluttulerinermi inatsisitigut akisussaatinneqarsinnaapput, Kalaallit Nunaanni pinerluttulerinermi inatsimmi kapitali 5-im i aalajangersakkat malillugit.

Kapitali 11

Atuutilersitsinermut aamma ikaarsaariartitsinermut aalajangersakkat

§ 48. Nalunaarut manna 1. januaari 2020-imi atuutilerpoq. Inuussutissanik allagartalersuisarneq pillugu Namminersornerullutik Oqartussat nalunaarutaat nr. 1, 2. februar 1994-imeersoq atuukkunnaarpooq. Taamaakkaluartoq nalunaarut atuukkunnaarsimasoq naapertorlugu immikkut ittumik aalajangiussat atuutiinnassapput, qaangiunnissaasa atuukkunnaarsinnejarnissaasaluunniit tungaanut.

Imm. 2. Tunisassiat, Inuussutissanik allagartalersuisarneq pillugu Namminersornerullutik Oqartussat nalunaarutaat nr. 1, 2. februar 1994-imeersumi piumasaqaatinut naammassinnittut kisianni nalunaarummi matumani piumasaqaatinut naammassinninngitsut kiisalu 1. aprili 2020 sioqquillugu

tuniniagassangortitat nalunaaqutsorsorneqarsimasullu nungunnissaasa tungaanut
tuniniarneqarsinnaapput. Tamannali § 41, imm. 1-imi aalajangersakkamut atuutissanngilaq.

Namminersorlutik Oqartussat, ulloq 15. november 2019

Jess Svane

/

Jørn Skov Nielsen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut